

數輸入于平壤熟思而處之事 傳教矣丁允佑下去時已令

查考各官留在穀數欲使沿道積置以備軍興今以此 傳教

之意更為移文為當 傳曰依咨○撫軍司

左贊成鄭琢分戶曹判書韓準分兵

曹判書李恒福漢城府左尹金字顯 馳 啓曰 東宮南下時以同知朴晉稱扈

衛大將而今者舉事時朴晉以大臣分付領全羅大軍前去前

府使朴名賢以病在家云招致代晉矣○上教備邊司曰劉總

兵招左相不是有所為似緣撤兵之令有以議處也中朝雖已

下此令我國不可不極陳訴悶仍請留兵之舉遼東周巡按直

士廣寧韓巡撫職無備倭此兩處急移咨文預為起草姑待總

兵之言而處之或以此意議于總兵而處之如何議咨備邊司

回 啓曰總兵之招尹斗壽必有處置而軍機事秘有難測度

若或撤兵則依 上教預為起草且以此意 下諭于尹斗壽

密稟于總兵為當○傳于政院曰舉事之言公然書之不為秘

密人而無謀至於如此政院亦何不封入耶後勿如是○卯時

辰時四方有霧氣夜四方有赤氣客星在天倉東第三星內○